

Մեր միակ ցանկութիւնն է միայն, որ, բարձր յայտնեց ընդհանուր ժողովում և քաղաքագլուխ Մինաս Պալապանեանը, որ հայր-սուրբը, սրբազան դառնալով, մնայ մեզ հետ, մեր վանքում...

Լ Ո Ւ Ր Ե Ր

— «Սուրհ.» մէջ կարդում ենք:

«Վերջացած է Կովկասեան «դաշնակցականների» գործի վերաբերմամբ կատարուող նախնական քննութիւնը:

Այս գործի վերաբերմամբ դատական քննիչ պ. Լրժինը հիւսիսային Կովկասի, Անդրկովկասի խոշոր կենդրոններում և Ռուսիայի ուրիշ տեղերում կատարեց 1,000-ից աւելի խուզարկութիւն և ձերբակալեց 800 հոգուց աւելի Սակայն, վերջիններիցս նա 696 հոգու վերջիվերջոյ արձակեց և միայն 105 հոգու վերաբերմամբ նրա ձեռքի տակ գտնուեցան «փաստեր» նրանց 102 յողաածի հիման վրայ դատական պատասխանատուութեան ենթարկելու համար: Բայց դատի ենթարկուողների մէջ էլ մատնանշում են շատերին, որոնք «գործին» խառնուել են պարզ թիւրիմացութեամբ: Այսպէս, մի քանի փաստերի հիման վրայ պէտք էր ձերբակալել ոմն «Գէորգի», որի բնակութեան տեղը ցոյց էր տրուած Թիֆլիսը. որովհետև Թիֆլիսում շատ Գէորգներ կան ուստի սկսեցին բռնել այդ անունը կրող բոլոր կրթուած հայերին և վերջիվերջոյ կանգ առան Գէորգ Առաքելեանի վրայ, որն և այժմ պատասխանատուութեան է ենթարկուած: Մինչդեռ ստուգել յայտնի է, որ «դաշնակցականների» կուսակցութեան անդամ «Գէորգը», որին որոնում են, սեպտեմբերի սկզբին սպանուած է Թաւրիզ քաղաքի մօտ, և նրա մահը վկայել է ուսաց հիւպատոսարանը:

Նոյնը պատահել է և «Հաջի-Յակոբին»: Որոնում էր և պիտի ձերբակալուէր «թիւրքահպատակ հայ Հաջի-Յաբովը»: Նրա ձերբակալման մասին կարգադրութիւն էր եղած, և այդ անունը կրող 10 ձերբակալուածներից ընտրուած է Երևան քաղաքում ձերբակալուած թրքահպատակ հայ Հաջի-Յակովը Աւետիսով, մի զոռամեալ ծերուկի, որ, ինչպէս ասում են, կուսակցութեան հետ ոչ մի կապ չունի: Մինչդեռ քննչին հարկաւոր Հաջի-Յակովը, որ թրքահայերի մէջ յայտնի գործիչ է, Թիւրքիայում սահմանադրութիւն մտցնելուց յետոյ, տեղափոխուել է և ապրում է այնտեղ ազատ:

Այնուհետև «դաշնակցականների» կուսակցութեան գլխաւոր կոմիտէի անդամների թւում կար ոմն «Իշխան», որ ուսուցիչն նշանակում է, «КНЯЗЬ» քննիչը այդ հիման վրայ էլ վճռեց, որ

«իշխանը» «КНЯЗЬ» իշխան Յովսէփ Արղունթեան Երկայնաբազուկն է, որն և այդ պատճառով բռնուեց և բանտ դրուեց և այժմ պատասխանատուութեան է ենթարկուած: Մինչդեռ այս տարուայ նոյն ժամերի սկզբին իսկական «իշխանը» Թիւրքիայում ներկայացել է ուսաց հիւպատոսին և յայտարարել է, որ ինքը ամենևին իշխան չէ, այլ մի հասարակ մահկանացու, իսկ «իշխանը» իր մահկանունը և կեղծ անունն է, որն և հաստատել է փաստաթղթերով:

— Տաճկաստանի գաւառներում Ջմիւռնիայից յետոյ առաջին անգամ միայն կարինում գիտէինք, որ հրատարակուած է «Յառաջ» թերթը, այժմ ստացանք Նիկոմիդիայի Իզմիտ քաղաքում տպուած տամսորեայ «Բիւթանիւր» թերթի առաջին համարը բաւական հետաքրքրական բովանդակութեամբ, որի մէջ տպուած կայ հանգ. Խրիմեան կաթողիկոսի մի գրութիւնը Ռուսիոյ մեծ. կայսեր, հայոց եկ. կալուածների գրաւման առիթով:

— Առաջիկայ մարտի 14-ին Շուշիում տոնուելու է Ղարաբաղի Հայոց թեմական Դպրոցի ուսուցիչ Գաբրիէլ Դուլիքիսեանցի գործունէութեան 35 ամեակը:

— Ինչպէս ամէն գաւառի մէջ՝ այստեղ ալ սկսաւ Դաշնակցութեան խնդիրներ արծարծուիլ: Սակայն տեղապահին ժողովրդական քարոզներուն շնորհիւ Եղեսիացիները մազի չափ պիտի չթերանան իրենց նախկին քարոզիչ Թաթէոսի և Բարթողիմէոսի ճշմարտագոյն կրօնէն: Դաշնակցականներ կ'ճգնին ծածկաբար անհաւատութեան որոմներ ցանել նորհաս երիտասարդութեան մտքին մէջ: Անցեալ շաբթու Ուր. երեկոյ, Տեղ. Հօր զգուշաւոր դիրքով Եղեսիոյ Հայր աղատեցաւ կուսակցական ընդհարումէ մը: Եթէ տեղապահը դուրս գար և յանդիմանէր խլրտող երիտասարդները՝ արդեօք քանիններու դժբախտութեան վրայ պիտի ողբայինք: Որովհետև Հալէպն ու Այնթապը վրդովող Տիգրան Ամասեանի օտքերը մինչև այս կողմ երկնցան: («Բիւզ.»)

— Էդիստոնը մի նոր գիւտ է արել, որով տրամուայի վագոնները այսուհետև կարող են երթևեկել առանց վերին հաղորդիչ լարերի: Յունուարի 7-ին Նիւ-Եօրքում փորձեր են կատարուած: Աջողութիւնը կատարեալ է: Ամերիկայի էլէքտրոտեխնիկները չեն կասկածում, որ Էդիստոնի նոր գիւտը ամեն տեղ կը տարածուի ամենամօտիկ ապագայում:

— Յունուարի 14-ին, երեկոյեան Ժ. 6¹/₂-ից Էկզարխեան հրապարակով և և նրան կից փողոցներում անցնողները նկատեցին, որ երկնքից դէպի վայր է թռչում ոչ մեծ մի հրեղէն գրննակ, որն ընկնում է 4-րդ թաղամասի ոստիկանատան մօտի փողոցը: Անցնորդները կարծել են, թէ դա գիսաստղ էր, որ վայր

ընկաւ, հետաքրքրուողները շտապել են ընկնելու տեղը: Աստղաքարն ընկնելու ժամանակ փշրուել է և բաժանուել մանր բեկորներով:

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

«Արոր»-ի խմբադրումնան. Դուք մեզ առաջարկել էիք փոխանակել մեր թերթերի յայտարարութիւնները և թերթերը. մենք արձագանք տալով անմիջապէս տպեցինք Ձեր յայտարարութիւնը «Լուսմայի» ղեկտեմբերի համարում: Բայց ինչքան եղաւ մեր զարմանքը, երբ Ձեր թերթի № 1-ում ամեն լրագրի յայտարարութիւն կար տպուած. . . . բացի «Լուսմայ»-ից:

Բազու Գ. Ենդ.—Փետրուարի համարը պէտք է լոյս տեսնի ամսոյս վերջը. Ձեր յօդուածը խնդրում ենք այնպէս կարգադրէք ուղարկել, որ չմնայ մարտի համարին:

Ղարաբլիսա. Բօֆֆօրին, միւսները չտպեցինք. սպասում ենք նորերին:

Կ. Պօլիս. Օ. Թերթիս խմբագրի միամսեայ հիւանդութիւնը արդէլք եղաւ Ձեր նամակներին մանրամասն պատասխանել: Շուտով կհոգանք:

Ն. Նախ. Ե. Շ. գրքերն ուղարկեցինք:

1909 Թ. ՆՈՅ. ՀԱՄԱՐՈՒՄ Ս. ՕՐՄԱՆԵԱՆԻ 80Դ. ՄԷՋ ՄՏԵԼ
ԵՆ ՀԵՏԵԻԵԱԼ ՍԽԱԼՆԵՐԸ

	Վրիպակ	Ուղիղ
ԵԼ. 51. տող 4	աքսորական	արքունական
» » 19	շարունակութեան	պարունակութեան
» » 39	Յովհաննու	Յովհաննա.